

ӨМГӨӨЛЛИЙН БОЛОН ХУУЛИЙН ЗӨВЛӨХ ҮЙЛЧИЛГЭЭ ҮЗҮҮЛЭХ ГЭРЭЭ

2023 оны 10 дугаар
сарын 20-ны өдөр

Esom/Sojombo
Дугаар 20231020

Улаанбаатар хот

Энэхүү “Өмгөөллийн болон хуулийн зөвлөх үйлчилгээ үзүүлэх гэрээ” (цаашид “Гэрээ” гэх)-г нэг талаас Өмгөөллийн “Соёмбо Легал Партнерс” ХХН, түүнийг төлөөлж Гүйцэтгэх захирал Б.Баатарсайхан (цаашид “Хуулийн фирм” гэх), нөгөө талаас “И-Коммодитс Монголна Интеллигент Логистикс” ХХК, түүнийг төлөөлж Гүйцэтгэх захирал Ц Амгалан (цаашид “Үйлчлүүлэгч” гэх), (хамтад нь “Талууд” гэх) нар Иргэний хууль, Иргэний хэрэг хянан шийдвэрлэх тухай хууль, Эрүүгийн хууль, Эрүүгийн хэрэг хянан шийдвэрлэх тухай хууль, Хуульчийн эрх зүйн байдлын тухай хууль, Өмгөөллийн тухай хууль болон холбогдох бусад хууль тогтоомжийг үндэслэн дор дурдсан нөхцөлийг харилцан тохиролцож байгуулав.

1. НИЙТЛЭГ ҮНДЭСЛЭЛ.

1.1 Энэхүү Гэрээгээр Хуулийн фирм нь Гэрээний 1.2-т заасан ажлын хүрээнд Үйлчлүүлэгчийн хууль ёсны эрх, ашиг сонирхлыг хамгаалах, хэрэг хянан шийдвэрлэх ажиллагаанд Үйлчлүүлэгчийг хамгаалж оролцох, Хууль зүйн зөвлөх үйлчилгээг үзүүлэх, Үйлчлүүлэгч нь өөрийн эрх, хууль ёсны ашиг сонирхлоо хамгаалуулсны төлөө Гэрээгээр тохирсон өмгөөллийн болон хуулийн зөвлөх үйлчилгээний төлбөрийг Хуулийн фирмд төлөхтэй холбогдсон харилцааг зохицуулна.

1.2 Хуулийн фирм нь энэхүү Гэрээний дагуу дараах ажлуудыг хийж гүйцэтгэнэ. Үүнд:

1.2.1 Иргэний хэрэг хянан шийдвэрлэх ажиллагаа /цаашид “Иргэний хэрэг” гэх/, Эрүүгийн хэрэг хянан шийдвэрлэх ажиллагаа /цаашид “Эрүүгийн хэрэг” гэх/, Захиргааны хэрэг хянан шийдвэрлэх ажиллагаа /цаашид “Захиргааны хэрэг”, нийтэд нь “Хэрэг хянан шийдвэрлэх ажиллагаа” гэх/-нд Үйлчлүүлэгчийн хууль ёсны эрх, ашиг сонирхлыг хамгаалах /цаашид “Өмгөөллийн үйлчилгээ” гэх/;

1.2.2 Эрүүгийн хэрэг хянан шийдвэрлэх ажиллагааны явцад мөрдөн шалгах байгууллага болон шүүхийн өмнө Үйлчлүүлэгчийн хууль ёсны эрх, ашиг сонирхлыг хамгаалах;

1.2.3 Үйлчлүүлэгчээс ирүүлсэн гэрээ, хэлцэл, баримт бичгийн хууль зүйн үндэслэл нийцлийг хянах, шаардлагатай өөрчлөлт, нэмэлт, засвар оруулах санал гаргах;

1.2.4 Монгол Улсын хууль тогтоомжийг хэрэгжүүлэхтэй холбоотой асуудлаар болон компанид үүссэн шаардлагатай бусад асуудлаар хууль зүйн зөвлөгөө өгөх, эрх зүйн дүгнэлт гаргах, хууль зүйн магадлан шинэжилгээ хийх /цаашид “Зөвлөх үйлчилгээ” гэх/.

1.3 Хуулийн фирм нь Үйлчлүүлэгчид зориулан нэг өмгөөлөгчийг томилох бөгөөд, тухайн өмгөөлөгч нь яаралтай, гэнэтийн шаардлага гарсан үед ажлын цаг, амралтын өдөр